

fus: A temetipso hoc dicis, an alii dixerunt tibi de me? Iterum exivit (Pilatus) ad Iudæos, & dicit eis: Nullam invenio in eo causam. At illi invalescebant, dicentes: Commovet populum, docens per universam Iudæam, incipiens à Galilæa usque huc. Pilatus Galilæam audiens interrogavit, si homo Galilæus esset.

Iudas interim videns quod ad mortis condemnationem Iesus duceretur, retulit triginta argenteos Principibus Sacerdotum, & abiens laqueo se suspendit. Ex Matth. 27. vers. 3. 5.

I. C. à Pilato ad Herodem mittitur.

CL. Et ut cognovit (Pilatus) quod de Herodis potestate esset, remisit ad Herodem, qui & ipse Ierosolymis erat illis diebus. Herodes viso Iesu gavisus est valde, erat cupiens ex multo tempore videre eum, eò quod audierat multa de eo, & sperabat signum aliquod videre ab eo fieri. Interrogabat eum multis sermonibus, at ipse nihil illi respondebat. Stabant autem Principes Sacerdotum, & Scribæ constanter accusantes eum. Sprevit autem illum Herodes cum exercitu suo, & illius indutum veste alba. Luc. 23. vers. 7....12.

I. C. ab Herode ad Pilatum remittitur.

CLI. Et remisit (Herodes) ad Pilatum: & facti sunt amici Herodes & Pilatus in ipsa die, nam antea inimici erant ad invicem. Pilatus convocatis Principibus Sacerdotum, & Magistratibus, & plebe, dixit ad illos: Obtulistis mihi hunc hominem quasi avertentem populum: & ecce ego coram vobis interrogans nullam causam invenio in homine isto, ex his, quibus eum accusatis, sed neque Herodes: nam remisi vos ad illum, & ecce nihil dignum morte actum est. Emendatum ergo illum dimittam. Luc. 23. vers. 11...16.

I. C. à Iudæis Barrabæ Latroni & homicidæ postponitur.

CLII. Per diem festum solemnem (Præses) consueverat dimittere unum hominem, quem voluissent: exclamavit autem simul universa turba dicens: Tolle hunc, & dimitte nobis Barrabam, qui erat propter seditionem factam in civitate & homicidium missus in carcerem. Iterum Pilatus locutus est ad eos volens dimittere Iesum (miserat ad eum uxorem ejus, dicens: Nihil tibi & iusto illi: multa enim passa sum hodie per visum propter eum) ex Matth. 27. vers. 19. At illi succlamabant dicentes: Crucifige, crucifige eum. Videns Pilatus, quia nihil proficeret, sed magis tumultus fieret, accepta aqua lavit manus coram populo, dicens: Innocens ego sum à sanguine iusti hujus, vos videritis: & respondens universus populus dixit: Sanguis ejus super nos, & super filios nostros. Ille autem tertio dixit ad illos: Quid enim mali fecit iste? nullam causam mortis invenio in eo, corripiam ergo illum, & dimittam: at illi instabant vocibus magnis postulantes, ut crucifigeretur, & invalescebant voces eo-

rum, & dimisit Barrabam. Luc. 23. vers. 17....25.

I. C. à Pilato flagellatus, & spinis coronatus, purpurea veste circumdatus, ad populum adducitur, & dixit Pilatus: Ecce homo, ut vel sic satiatus populus non amplius Iesum ad mortem expeteret.

I. C. flagellatus ad crucifigendum emittitur.

Tunc milites Præsidis suscipientes Iesum CLIII. in prætorium, congregaverunt ad eum universam cohortem, & exuentes eum, chlamydem coccineam circumdederunt ei, & placentes coronam de spinis posuerunt super caput ejus; & arundinem in dextra ejus, & genu flexo illudebant ei, dicentes: Ave Rex Iudæorum, & expuentes in eum acceperunt arundinem, & percutiebant caput ejus, & postquam illuserunt ei, exuerunt eum chlamyde, & induerunt eum vestimentis ejus, & duxerunt eum, ut crucifigerent. Matth. 27. vers. 27...31. Marc. 15. vers. 16...20. Ioan. 19. vers. 16.

I. C. ducitur extra civitatem ad crucifigendum. Simon Cyrenæus cum Iesu crucem sustinet.

Susceperunt Iesum, & eduxerunt (e civitate) CLIV. bajulantem sibi crucem. Exeuntes autem invenerunt hominem Cyrenæum, nomine Simonem, patrem Alexandri & Rufi: hunc venientem de villa angariaverunt, ut tolleretur crucem post Iesum, & perducunt in locum, qui dicitur Golgotha, id est, Calvariae locus. Ex Matth. 27. vers. 32. 33. Marc. 15. vers. 20. 21. 22. Luc. 23. vers. 26. Ioan. 19. vers. 16. 17.

Mulieribus autem & turbis, quæ sequebantur, & eum plangebant, dixit: Nolite flere super me, sed super vos &c. ex Luc. 23. vers. 27....31.

I. C. in monte Golgotha crucifigitur. Patrem pro inimicis orat.

Et postquam venerunt in locum, qui vocatur CLV. Calvariae, ibi crucifixerunt eum, & latrones (duos) unum à dextris, alterum à sinistris, medium autem Iesum. Iesus autem dicebat: Pater dimitte illis, nesciunt enim quid faciunt. Milites autem, qui crucifixerunt eum, in vestimenta ejus miserunt sortem, eaque inter se sortiti sunt. Scripsit & titulum Pilatus: IESUS NAZARENUS REX IUDÆORUM & hunc multi Iudæorum legerunt, quia prope civitatem erat locus, ubi crucifixus est Iesus: & erat scriptum Hebraicè, Græcè, & Latine. Dicebant autem Pilato Pontifices Iudæorum: Noli scribere Rex Iudæorum; sed quia dixit: Rex sum Iudæorum. Respondit Pilatus. Quod scripsi scripsi. Ex Matth. 27. vers. 33....37. ex Marc. 15. vers. 22...26. Luc. 23. vers. 33...34. Ioan. 19. vers. 17...24.

I. C. in cruce pendens deridetur.

Prætereuntes blasphemabant eum, moventes CLVI. tes